

Samstarfssamningur
Hagstofu Íslands og Kjararannsóknarnefndar
um launakannanir og aðrar vinnumarkaðsrannsóknir

1. grein

Samningsaðilar

Samningsaðilar eru Hagstofa Íslands og Kjararannsóknarnefnd.

2. grein

Markmið samningsins

- a. Öflun og úrvinnsla upplýsinga um laun, launakostnað og vinnutíma sem nái til allra höfuðatvinnugreina og allra helstu starfsgreina á vinnumarkaði.
- b. Að aðferðir við öflun og úrvinnslu gagna samsvari þeim aðferðum sem bestar þykja á hverjum tíma og jafnframt þeim vinnureglum sem skilgreindar eru í lögum og reglugerðum sem gilda á Evrópska efnahagssvæðinu um launakannanir.
- c. Að afla viðtækra upplýsinga um vinnumarkaðinn vegna opinberrar hagskýrslugerðar.
- d. Að samræma upplýsingar um laun og launakostnað á vinnumarkaðnum öllum.
- e. Að afla gagna og vinna sérverkefni sem nýtast samtökum launafólks og atvinnurekenda við gerð kjarasamninga.
- f. Að fyrirhöfn og kostnaði launagreiðenda verði haldið í lágmarki við að láta í té upplýsingar um laun og launakostnað.
- g. Að nýta sem best það fjármagn sem veitt er til hagskýrslugerðar um vinnumarkaðinn og samnýta þekkingu og starfskrafta samningsaðila.
- h. Að stuðla skilmerkilegri framsetningu upplýsinga um vinnumarkaðinn.
- i. Að Ísland geti uppfyllt kröfur alþjóðastofnana um gerð vinnumarkaðsrannsókna.

3. grein

Umfang samningsins

Samningurinn nær til samstarfs um gerð vinnumarkaðsrannsókna um kjör, atvinnutekjur, atvinnuþátttöku, atvinnuleysi og aðra mikilvæga þætti um vinnumarkaðinn. Í fylgiskjali með samningi þessum eru talin upp helstu verkefni sem vinna á að samkvæmt samningnum.

4. grein

Framkvæmd samningsins

Hagstofa Íslands annast allar kjararannsóknir sem hafa farið fram á vegum beggja samningsaðila. Rekstur á vegum Kjararannsóknarnefndar verður lagður niður, en nefndin starfar áfram með óbreyttri samsetningu sem verkkaupi og stefnumarkandi samstarfsvettvangur aðila vinnumarkaðarins gagnvart Hagstofu Íslands.

5. grein

Ráðgjafarnefnd

Sérstök ráðgjafarnefnd sérfræðinga skal starfa með Hagstofunni. Hlutverk nefndarinnar er að fylgjast með framkvæmd þessa samnings og vera Hagstofunni til ráðgjafar um gerð vinnumarkaðsrannsókna, einkum launakannana. Í ráðgjafarnefndinni sitja tveir sérfræðingar frá ASÍ og tveir frá SA. Ráðgjafarnefndin starfar samkvæmt starfsreglum sem samningsaðilar koma sér saman um. Ekki skal greiða sérstaklega fyrir setu í ráðgjafarnefnd.

6. grein

Sérstakar vinnslur

Hagstofan annast sérstakar vinnslur úr launakönnunum í aðdraganda og við gerð kjarasamninga eftir sameiginlegum óskum ASÍ og SA. Ráðgjafarnefndin skal fjalla um beiðnir um vinnslur af þessu tagi. Hagstofan tekur ekki gjald fyrir þessa þjónustu.

7. grein

Aðgengi að trúnaðargögnum

Gögn um aðgreinanlega einstaklinga og fyrirtæki skulu vera trúnaðarmál og skulu verklagsreglur Hagstofu Íslands um meðferð trúnaðargagna gilda um þetta efni.

8. grein

Fjármögnun

Samningur þessi er reistur á eftirfarandi forsendum um fjármögnun:

1. Að launakannanir og aðrar vinnumarkaðsrannsóknir verði fjármagnaðar með framlögum úr ríkissjóði, annars vegar með fjárveitingu í fjárlögum til Hagstofu Íslands og hins með fjárveitingu í fjárlögum til Kjararannsóknarnefndar.
2. Að fjárveitingin til Kjararannsóknarnefndar verði sérstakt viðfangsefni undir félagsmálaráðuneyti (og komi því í stað fjárveitingar úr Atvinnuleysis-tryggingasjóði) og skal hún ganga beint til Hagstofunnar til fullnustu á þessum samningi.
3. Að árleg fjárveiting til Kjararannsóknarnefndar verði 41 millj. kr. miðað við verðlag ársins 2004 og að hún taki sömu verðlagsbreytingum og fjárveitingar til Hagstofunnar á gildistíma samningsins.

Hagstofan skal eftir því sem unnt er haga bókhaldi sínu þannig að hægt sé að aðgreina kostnað af þeirri starfsemi sem fjárframlag Kjararannsóknarnefndar er ætlað að standa undir.

9. grein

Ársfundur

Kjararannsóknarnefnd og Hagstofan skulu ár hvert halda fund um þennan samning. Á fundinum skal farið yfir framkvæmd samningsins, ráðstöfun fjárframlaga Kjararannsóknarnefndar til verkefnisins á grundvelli skýrslu Hagstofunnar um það efni og um forgangs röðun verkefna.

10. grein

Aðild annarra að þessum samningi

Samningsaðilar telja æskilegt að fulltrúar samtaka opinberra starfsmanna og fulltrúar samninganefnda ríkis og sveitarfélaga verði aðilar að samstarfi Hagstofu og Kjararannsóknarnefndar með sambærilegum hætti og felst í þessum samningi.

11. grein

Gildistími og endurskoðun samnings

Samningur þessi tekur gildi 1. janúar 2005 og gildir til 1. janúar 2010. Eftir þann tíma er samningurinn uppsegjanlegur með minnst eins árs fyrirvara miðað við áramót en sé honum ekki sagt upp framlengist hann sjálfkrafa.

Samninginn skal endurskoða ef annar hvor aðilinn óskar þess. Verði verulegar vanefndir á samningi þessum af hálfu annars hvors aðilans þannig að forsendur hans bresti fellur samningurinn úr gildi án fyrirvara.


Ákvæði til bráðabirgða

Starfsmönnum Kjararannsóknarnefndar skulu boðin störf á Hagstofunni frá þeim tíma sem hún tekur við verkefnum nefndarinnar.

Samningur þessi er gerður með fyrirvara um samþykki forsætisráðuneytis, fjármálaráðuneytis og félagsmálaráðuneytis.

Reykjavík 9. september 2004


F. h. Kjararannsóknarnefndar



Hannes G. Sigurðsson


Staðfesting forsætisráðuneytis

F.h. Hagstofu Íslands




Staðfesting fjármálaráðuneytis


Staðfesting félagsmálaráðuneytis

Fylgiskjal með samstarfssamningi Kjararannsóknarnefndar og Hagstofu Íslands um launakannanir og aðrar vinnumarkaðsrannsóknir

Samkvæmt samningi þessu skal Hagstofan inna af hendi verkefni sem fram að gerð samningsins hafa fallið undir verksvið beggja samningsaðila, auk verkefna sem eru í undirbúningi eða er á lokastigi við gerð samningsins. Þá skal unnið að nýjum verkefnum á sviði vinnumarkaðsrannsókna og skulu samningsaðilar koma sér saman um slík verkefni eins og nánar er tilgreint í 9. grein samningsins.

1. Verkefni Kjararannsóknarnefnd

- a. Launakönnun, þ.e. söfnun, gæðaprófun, úrvinnsla og birting upplýsinga í eftirtöldum atvinnugreinum:
 - Fiskveiðar (er á undirbúningsstigi)
 - Matvæla- og drykkjarvöruiðnaður
 - Textíl- og fataiðnaður
 - Efnaiðnaður
 - Málmiðnaður
 - Framleiðsla samgöngutækja
 - Prentiðnaður og útgáfustarfsemi
 - Byggingastarfsemi og mannvirkjagerð
 - Verslun
 - Hótel og veitingastarfsemi (þekja mjög takmörkuð)
 - Samgöngur/flutningar.
 - Fjármálafyrirtæki (er á undirbúningsstigi)
- b. Önnur staðtölusöfnun sem KRN hefur innt af hendi, einkum um vinnudeilur og fjarvistir vegna veikinda og slysa.
- c. Sérvinnsalur fyrir SA og ASÍ í tengslum við kjarasamninga, bæði fyrirfram ákveðnar, eins og hefð. hefur komist á í tengslum við samningsgerð undanfarinn áratug og sérvinnsalur sem ASÍ og SA geta þurft í miðju samningsferli.

2. Verkefni Hagstofu

- a. Mánaðarleg launavísitala. Hagstofa fær gögn frá Kjararannsóknarnefnd frá fyrirtækjum á almennum markaði og öðrum sveitarfélögum en Reykjavíkurborg. Hagstofa fær gögn beint frá Reykjavík og ríki.
- b. Hagstofa birtir ársfjórðungsleg launavísitölu fyrir opinbera- og almenna markaðinn.
- c. Evrópskar launakannanir, m.a. Structure of earnings survey, labour cost index.
- d. Hagstofan birtir ársfjórðungslega upplýsingar um atvinnuþátttöku, atvinnuleysi og aðrar mikilvægar upplýsingar um vinnumarkaðinn.
- e. Hagstofan hefur birt upplýsingar um fjölda starfandi skv. staðgreiðslugögnum ríkisskattstjóra. Þá hefur Hagstofan notað sömu heimild til að birta upplýsingar um atvinnutekjur.

AT G.B.
HGS

3. Verkefni sem eru í burðarliðnum

- a. Kjararannsóknarnefnd er að undirbúa söfnun launagagna frá fjármálafyrirtækjum og safnar launagögnum frá útgerðarfyrirtækjum. Stefnt er að birtingu upplýsingar um kjör sjómanna og starfamanna fjármálafyrirtækja á næstu misserum.
- b. Hagstofa fékk gögn um kjör ríkisstarfsmanna frá Fjársýsluna á samræmdu formi, en við upptöku á nýju launakerfi 2004 var þessi möguleiki ekki lengur til staðar. Hagstofa hefur óskað eftir að ný launaforrit ríkisins verði þannig útbúin að láta megi Hagstofu í té gögn.

Al G. B.

HGS